

駐

粵

八

旗

志

駐粵八旗志卷七目錄

經政畧

考試文章

添設廩增生

錢糧爲廩餼

添設拔貢廩增

捐納貢監

分別食糧章程附

文鄉會試

武生

武鄉會試

改試繙譯

舉人大挑

改試繙譯舉人不准大挑

文舉人仍准大挑

文生准應武試

復開文闈

欽賜舉人

服滿應試

差旋案附

貢生丁憂

旗員守制

駐粵八旗志卷七

考試文童

謹按嘉慶四年十一月內准禮部兵部會同議

奏各省駐防省分添設學額等欸一摺會議得軍機大臣議准嗣後駐防省分凡遇歲科兩試如有情願赴考准其就近考試俟取進後再聽其赴京鄉試其如何查照人數多寡酌定學額一切章程交禮部酌覈辦理具奏等語禮部查在京八旗滿洲蒙古童生額進六十名覈計近年應試人數約於五六名內取進一名今各省駐防旣准其就近考試入學應令各該學政按照人數計應試童生亦

五六名取進一名如佳卷不敷甯缺毋濫如將來人數較多亦當示以限制應將酌立定額及應行設立廩增數目與出貢年分統俟歲科兩試之後各該學政按照應試人數多寡及文風高下咨部再爲分別覈定至各童赴考例應廩生保結但現係初次考試尙未經設有廩生應由本佐領具結保送俟該處設有廩生仍照例令廩生保結將佐領保結之例停止再查在京八旗童生考試係

特派王大臣揀選馬步箭再由順天府府丞錄送學政今各省駐防童生應由本處駐防大臣等考試馬步箭彙送地方官於府考童生時一併考試錄送學

政取進於嘉慶四年八月十八日具

奏奉

旨依議欽此

添設廩增生

謹按嘉慶十五年七月內准廣東學政咨准禮部  
劄儀制司案呈准本院咨呈直省駐防童生向准  
五六名取進一名嘉慶六年議准俟歲科三屆後  
覈計取進人數咨部定額並設立廩增出貢各事  
宜嘉慶十二年復經議准湖北駐防生員設立廩  
增出貢各事宜通行遵照各在案今廣東駐防旗  
童嘉慶五年科考取進六名七年歲考取進六名  
九年科考取進六名十年歲考取進四名十一年  
科考取進四名十三年歲考取進四名歷至上屆  
歲考經列冊報除病故外實二十七名現今科考

取進四名未經冊報共三十一名是年限名數均符似應請照湖北駐防生員例准其設立廩增各二名五年一貢新補廩生仍照例俟食餼十年後方准出貢至歷屆取進名數不甚懸殊應否酌准定額咨明候覆等因前來查廣東駐防旗童自嘉慶五年科試起至今取進人數除病故外共有三十一名現據該學政請設立廩增各二名到部覈與本部奏准之案相符應准設立廩增各二名五年一貢新補廩生仍俟食餼十年後方准出貢至所請酌准定額之處雖據聲明歷屆取進人數不甚懸殊但查該處取進旗童或六名四名究屬相



懸亦應俟該學政按次考試覈其人數文風約有  
可定之日再由該學政奏請定額相應劄覆學政  
可也等因到院准此咨會查照施行

錢糧爲廩餼

謹按嘉慶十八年十二月內准學政咨准禮部劄開儀制司案呈准戶部咨廣東駐防旗籍廩生朱霽現食副甲錢糧丁禮現食步甲錢糧其廩生餼銀應否一並關支查明咨覆以便覈辦等因前來查學政全書內載八旗義學滿教習原食錢糧之人停給教習公費米石等語前據西安將軍新設廩生兼充馬甲之窩什渾圖瑚孫布二名請示到部係照教習例停其廩糧在案今廣東駐防旗籍廩生朱霽現食副甲錢糧丁禮現食步甲錢糧亦應照教習食錢糧者停給公費米石之例將該生

等餼銀停止等因到院咨會查照施行

添設拔貢廩增

謹按同治十二年正月准禮部咨議覆廣東學政何廷謙奏廣州駐防准設拔貢一名如不得人任缺毋濫再添廩增各二名共定爲廩額四名增額四名原定五年一貢改爲四年一貢新補廩生仍照例食餼十年方准出貢請添優貢覈其人數不及京旗生員十分之一應無庸議等因具

奏奉

旨依議欽此

謹按同治十年十一月二十八日廣州將軍長善漢軍副都統果勒敏爲咨請覈辦事印

房案呈據滿漢八旗協領承惠國興伊勒哈春丁德源楊威劉安堡署協領全祿呈稱據旗員通判銜副貢生樊封候選知縣文舉人崔廣慶劉士忠同知銜前任通州學正陳良玉等稟稱竊查嘉慶

十九年二月十五日奉准廣東巡撫部院蔣咨開嘉慶十八年十二月初十日准禮部咨開所有本部議奏滿洲蒙古漢軍生員舉報優生一摺嘉慶十八年九月二十五日具奏本日奉

旨依議

欽此相應抄錄原奏行文該撫轉行駐防可也計原奏一紙內開禮部謹奏為遵

旨議奏

事內附抄出御史趙來彤奏各省駐防官兵子弟請

旨一體

選拔舉優等因奉部議奏欽此欽遵到部查原奏內稱竊見禮部各

省學臣考試則例於十二年一選拔貢每府學二名州學縣學各一名三年一舉優生大省六名中

省四名小省二名蓋拔貢所以取才學優貢所以端品行也臣愚以為各省駐防官兵子弟現准就

近應考入學鄉試可否酌予拔貢優生以資激勸等語臣等查在京旗學生共有一千二百餘名每

次選拔二十四名統計五十餘名選取一名現在各省駐防生員多者四十名以至十餘名不等其

在三十名以下者尙未設立廩增各生所有選拔舉優應俟人數充裕文風日盛後再由該督撫學

政具奏覈辦臣等覈議緣由是否有當伏候

訓示遵

行為此謹

奏等因咨行轉遵在案旗員等伏查禮部前議各省駐防選拔舉優實因人數過少未經議准迨自嘉慶十九年奉文以後本廣州駐防文教漸開歲科兩試取進生員較之往昔蒸蒸日上至道光癸卯科後覈計生員共有六十七名本可遵文籲請維時因駐防停止文闈鄉會試一律應考繙譯是以未便稟請舉行嗣同治壬戌科

恩旨駐

防復興文試數年以來多士奮志讀書現在廣州

駐防滿漢八旗取進生員積至一百一十餘名設立原增歷有年所而諸生上進止有三年鄉試其

中因限額被棄者除恩歲二貢別無登進之階似覺向隅茲查現在生員人數覈與原議人數充裕

後再行具奏覈辦之案似相符合理合公同具稟總總轉呈將軍大人恩施查照原案會同督部堂

撫部院學院奏請將滿漢八旗生員一體選拔舉優實為德便再查嘉慶十五年奉准禮部覆准以

廣州駐防取有文生三十名應設立廩增各二名等因在案嗣於嘉慶十八年奉文准令駐防考取

武童自此文武童試均令廩生認保初考之日人數較少廩生二名足敷派認繼年以來每屆應考

文童不下七八十名而應考武童總在三四百名原設廩生僅有二名實覺事浮於人此中稽查倘

有未周於考試大有關係可否酌增數名以資認  
保懇請一並轉呈覈辦等情理合具稿呈請查覈  
移咨辦理等由前來理合呈請移咨督部堂撫部  
院學院查覈具奏將滿漢入旗生員一體選拔舉  
優並合咨貴部添設廩生數名等情據此相應咨會為  
此合咨貴部堂撫部院學院請煩查照將選拔  
舉優並添設廩生之處覈奪辦理仍祈見覆施行  
同治十一年七月十六日提督廣東學院何廷謙  
奏為援案請增設廣州駐防生員貢額廩額以廣登  
進而專責成恭摺仰祈

聖鑒事

竊臣接准廣州將軍臣長善漢軍副都統兼署滿  
洲副都統臣果勒敏咨開據滿漢入旗協領承惠  
等轉據旗員候選通判副貢生樊封等呈稱查嘉  
慶十八年禮部議覆御史趙來彤奏請各省駐防  
官兵子弟一體選拔舉優一摺內開查在京旗學  
生共有一千二百餘名每次選拔二十四名統計  
五十餘名選取一名現在各省駐防生員多者四  
十名以至十餘名不等其在三十名以下者尚未  
設立廩增各生所有選拔舉優應俟人數充裕文  
風日盛後再由該督撫學政具奏覈辦等因奉  
旨依議欽此欽遵咨行在案自嘉慶十九年以後該駐防  
子弟奮志讀書文風蒸蒸日上歲科取進生員積

欽定學

至一百一十餘名設立廩增歷有年所而諸生上進僅有三年鄉試其中因額被棄者除恩歲二貢別無登進之階伏思目前生員人數較前充裕理合稟請咨會督撫學政查照禮部原議奏請將駐防滿漢生員一體選拔舉優俾得勉圖上進又查嘉慶十五年禮部議准廣州駐防生員取有三十名應設立廩增各二名嗣於嘉慶十八年奉文准令駐防考取武童自此文武童均令廩生認保從前人數尙少廩生二名足敷派認近年每屆應考文童不下七八十名武童不下三四百名原設廩生二名實覺事浮於人此中稽查尙有未周於考試大有關繫可否酌增數名以資認保呈請一並覈議等情咨會到臣並准大學士兩廣總督兼署廣東巡撫臣瑞麟咨商查案辦理前來臣謹按政全書廣州駐防旗童文試自嘉慶五年始武試自嘉慶十八年始而設立廩增各二名則在嘉慶十五年旗籍生員已滿三十名之後維時文童取進六名以五六名取進一名之例推之應試者不過三十餘人爲數尙少是以禮部議將選拔舉優統俟人數充裕文風日盛後再行具奏覈辦嗣是以來該駐防人等仰沐

國家深仁厚澤生齒益繁而讀書講藝之士亦日盛



一日臣上年歲考廣州駐防文童八十九人較前約多兩倍武童三百餘人較前幾多十倍而滿漢生員應試者九十八名加以新進十五名共一百一十三名人數已屬充裕察看文風亦倍勝於前與禮部原議准由督撫學政具奏覈辦之案相符臣再三審度廣州駐防生員現有一百一十餘名不敢遽照京旗五十餘名選取一名之例拔貢二人若比照各州縣學無論人數多少每屆選拔年分准拔一名似於激勵人才之道不無裨益倘不得其人仍照章任缺無濫又優貢三年一舉廣東全省每屆僅取四名以現在駐防人數相較似尚不符一名之數惟思人才之生不拘時地而優貢之取尤重品行且禮部原議選拔舉優並行設駐防中有經明行修之士不得舉報似非所以昭激勸擬請嗣後舉優年分飭令該管教官留心訪察務擇有品有學者酌舉二三人先由學臣考試再由督撫臣會考果能名實相副准取一人否亦任缺無濫以示限制至學校令稽察臣查各州縣學廩童有過犯槍替等弊責令稽察臣查各州縣學廩生多者二十名少者十名上下不等今駐防額設廩生二名不敷認派係屬實在情形擬比照州縣學廩生最少之處酌添廩額四名俾具保有所責

成以上各節臣據情查案並與督撫臣會商事關  
鼓勵學校不敢壅於

上聞合無仰懇

天恩勅下部臣分別覈議施行臣謹會同大學士兩廣總  
督臣瑞麟廣東巡撫臣張兆棟恭摺具陳伏乞

皇太后

皇上聖鑒訓示謹

奏

同治十二年正月十四日准禮部咨開儀制司案  
呈所有本部議覆廣東學政何廷謙奏請增設廣  
州駐防廩增貢各額一摺於同治十一年十二月

旨依議

欽此相應抄錄原奏知照廣州將軍可也計原奏  
一紙禮部謹

奏為遵

旨議奏

事同治十一年九月二十九日內閣抄出廣東學  
政何廷謙奏援案請增廣州駐防生員貢額廩額  
以廣登進而專責成一摺本年九月二十六日軍

機大臣奉

旨禮部

議奏欽此欽遵到部據原奏內稱該駐防生齒日  
繁讀書講藝之士亦日盛一日而諸生除三年鄉  
試及恩歲二貢別無進取之階查嘉慶十八年禮

部

經政

增

部議覆御史趙來彤奏請各省駐防官兵子弟一體選拔舉優一摺內開在京旗學生共有一千二百餘名每次選拔二十四名總計五十餘名選取一名現在各省駐防生員四十名以至十餘名不等其在三十名以下者尙未設立廩增各生所有選拔舉優應俟人數充裕文風日盛後再由該督撫學政具奏覈辦等因嗣是以後該駐防文風蒸蒸日上設立廩增歷有年所上年歲考滿漢生員應試者九十八名加以新進十五名共有一百一十三名人數已屬充裕文風亦倍盛於前與禮部原議准由該督撫學政奏辦之案相符該駐防不敢違照京旗五十餘名選取一名之例請比照各州縣學無論人數多少每屆選拔年分准拔一名又優貢三年一舉廣東全省每屆僅取四名以駐防人數相較尙不符一名之數惟選拔與舉優並行設駐防中有經明行修之士不得舉報似非所以昭激勸擬請嗣後舉優年分擇有品有學者准取一人又該駐防原設廩增各二名文武童均令廩生認保從前應考人數尙少近年每屬文童不下七八十名武童不下三四百名額設廩生二名不敷認派請酌添廩額四名具保各等語臣等查各省駐防自嘉慶四年始准就近應試按照人數

五六名取進一名並未設有一定名額是以嘉慶十八年御史趙來彤奏請各省駐防酌予選拔舉優經臣部查各省駐防人數過少所有選拔舉優應俟人文日盛後再行奏辦等因奏准在案今該學政奏請設立廣州駐防選拔舉優貢額查定例拔府學二名其餘各學一名京旗二十四名檢查該駐防生員學冊現有一百餘人與中學小學人數不甚懸殊較之京旗五十餘名選取一名之數亦屬有盈無絀擬請量爲變通如該學政所請准其設立廣州駐防拔貢一名屆選拔年分照額拔取如不得文行兼優之士仍照例任缺毋濫至優貢一項查定例大省毋過五六名中省毋過三四名小省毋過一二名又嘉慶十八年議准順天學政三年任滿入旗生員如有文行兼優之士准另行舉優一名如不得其人均任缺毋濫等因誠以優貢三年一舉爲期較近與拔貢不同必合通省經明行修之士嚴行選擇今該省駐防生員雖有一百餘名惟覈其人數不惟與各省大相懸殊即較之京旗生員亦尙不及十分之一今既於鄉試中額及恩歲貢外設立拔貢一名進取之途不爲不寬若再於三年內予優貢一名倘無人可舉必至遷就充數欲廣登進之途轉恐啟冒濫之漸該

聖鑒謹

奏奉

旨依議欽此

學政所請添設該駐防優貢之處應無庸議又據奏稱該駐防應試人數日衆原設廩生二名不敷認保自係實在情形惟查該駐防自嘉慶十五年設立廩增各二名五年一貢今遽加四名之多未免浮於原額擬於原額二名外再添廩增各二名共定爲廩額四名增額四名以示限制廩額既較前加倍其原定五年一貢擬改爲四年一貢新補廩生仍照例俟食餼十年方准出貢所有臣等遵議緣由是否有當伏乞

捐納貢監

謹按道光二十九年閏四月初四日准國子監咨准戶禮二部會議本監條奏捐輸貢監請加部監執照以便錄科查驗等因一摺奉

旨依議欽此相應刊刻原奏知照將軍一體遵照

戶部等部謹

奏遵

旨議奏仰祈

聖鑒事道光二十八年十一月初七日國子監具奏捐輸

貢監請補給執照以便錄科等語奉

旨國子監奏捐輸貢監請照例補給執照以便錄科時查

驗等語著該部議奏欽此欽遵抄錄原奏知照過  
部查國子監原奏內稱臣監例載捐納貢監生全  
憑執照每屆鄉試錄科之期俱由監查驗文結執  
照與臣監底冊年貌履歷相符者方准收錄如部  
監二照不全不准收考又由貢監生捐納職員情  
願鄉試者仍照貢監之例查驗執照收考臣經遵  
辦在案近查捐輸議敘案內有捐納職員作爲貢  
監一項此項捐生僅領官照並無貢監執照遇鄉  
試之年或有志觀光徑赴臣監投考者該生年貌  
履歷臣監並無底冊可稽無憑查驗倘一律收考  
易滋弊混若照例概不收錄又恐阻其登進之階

相應先期請

旨可否行令該捐生等按照定例補領部監執照俾錄科  
時得以覈實一體查驗等語臣等查戶部歷年辦  
理常捐內報捐貢生監生於臣部給發執照後俱  
令該捐生持赴國子監加照並造冊一分註明捐  
生年貌履歷咨送查覈近年各省捐輸議敘案內  
有捐納職員作爲貢監一項此項捐生僅領官照  
並無貢監執照遇鄉試之年有志觀光者該生年  
貌履歷國子監並無底冊可稽倘一律收考易滋  
弊混若概不收錄又恐阻其登進之階辦理誠爲  
窒礙自應如國子監所奏令該捐生等補領部監



執照俾得一體查驗惟是自道光二十一年奏開捐輸以來東南兩河順天等省暨邊遠省分接續捐輸均有捐納職員作爲貢監等生人數衆多現在順天捐輸變通章程此項人員尤必不少若紛紛俱令赴部赴監補給執照誠恐涉於煩擾且易啟書吏藉端需索之弊臣等悉心商酌期於覈實之中仍寓區別之意應令捐輸各案內捐納職官奉

旨作爲貢生監生人員如情願應試卽按定例令該官生具呈到部聲明願應鄉試請領部監執照並將原捐官照呈出由部查驗辦給部照仍令該生等持

赴國子監加照一面由戶部將該生願應鄉試補給執照緣由咨行國子監並咨明禮部查照辦理禮部查捐輸各案捐納職官奉

旨作爲貢生監生人員如有願應鄉試者應令補領部監執照以便錄科時覈實查驗其應本省鄉試者亦應一體令其補領部監執照惟明年卽遇鄉試之年誠恐各省遠近不一未及一律補領應請予限一年如在一年內遇學政錄科時卽將官照呈驗如一年限外卽應呈驗部監執照以歸畫一其僅止捐納職員作爲貢監不願錄科應試者仍遵照歷屆捐輸章程不必發給部監執照以歸簡易所

有臣等議奏緣由謹會同恭摺具

奏伏祈

皇上聖鑒謹

奏奉

旨依議欽此

謹按光緒三年正月二十八日將軍長善副都統  
果勒敏咨明戶部爲咨明事印房案呈據滿洲漢  
軍八旗及水師旗營協領承惠王鎮雄楊威等呈  
稱奉印房傳抄光緒二年十二月初八日准戶部  
咨爲欽奉事京捐局案呈本部具奏旗人由馬甲  
養育兵捐納監生者應令歸復舊例附片一件於

光緒二年十月初八日具奏本日奉

旨依議欽此相應抄錄附片行文廣州將軍轉飭遵照可也計單一紙內開戶部片

奏再查

臣

部則例內載八旗捐監人等除由親軍護

軍領催捐納監生者准支食本身錢糧外其由馬甲養育兵捐納監生卽行出缺另補等語咸豐三年因籌備軍餉經臣部附片奏明按八旗滿蒙漢佐領及內務府三旗每一佐領管領頒發監照三張令各該旗都統轉飭各叅領等妥爲勸諭並聲明此次捐監銀數旣經酌減自應量爲推廣以示體恤擬令各旗捐生有食馬甲以下錢糧者援照

親軍護軍領催例於捐監後仍准支食本身錢糧  
其有未得錢糧者於捐監後准其一體挑補嗣後  
捐監之人仍不准援照辦理一俟軍務告竣卽行  
停止等因奉

旨允准照辦嗣於咸豐五年有鑲白旗養育兵英啟在  
臣部捐銅局報捐監生經該旗咨部酌覈臣部以捐  
銅局捐輸原爲預籌庫儲而設卽與籌備軍餉頒  
發執照事同一律所有養育兵錢糧應照舊准其  
支食咨覆該旗查照並咨值年旗轉飭各旗叅領  
佐領一體遵照各在案臣等伏查旗人報捐監生  
其能否兼食本身錢糧定例本有區別原所以慎

名器而重餉需前因軍餉支絀普律勸捐是以臣部有食馬甲以下錢糧者准援照親軍護軍領催之例捐監後仍准支食本身錢糧係爲裕餉勸捐起見刻下關內軍務平定各項軍務正在分別清釐臣等公同商酌旗人報捐監生章程自應歸復舊例所有咸豐三年臣部頒發八旗監照應令各該旗都統趕緊截數造報如有餘贍監照送部繳銷不准再行勸捐至此後凡有旗人由馬甲養育兵赴臣部京捐局捐納監生者卽行出缺另補其未得有錢糧者於捐納後不准挑補馬甲養育兵等缺以符定例理合附片陳明伏乞

聖鑒謹

奏等因抄錄到旗奉此查廣州駐防旗營兵丁從前捐納監生向係遵照定例辦理自咸豐三年起卽遵照

奏准推廣章程於捐監後仍准支食本身錢糧其未得有錢糧者准其一體挑補歷經遵照辦理在案茲奉前因應請嗣後如係自咸豐三年起遵照推廣章程捐納監生者仍准支食本身錢糧准其與挑缺人等一體遞行揀選自光緒二年十二月初八日奉文以後如有食錢糧人等捐納監生者卽行出缺另補其未得有錢糧者於捐納後不准挑

補馬甲養育兵等缺以符定例理合具稿呈請查  
覈咨明等由前來理合呈請咨明戶部等情據此  
相應咨明爲此合咨貴部請煩查照施行



文鄉會試

謹按嘉慶十八年十月十一日准禮部咨儀制司  
案呈本部會同兵部議

奏各省駐防生員就近應文武鄉試一摺嘉慶十八  
年七月十七日具

奏本日奉

旨依議欽此相應刊刻原奏行文將軍一體遵照

禮部等部謹

奏爲遵

旨議奏事嘉慶十八年六月二十九日內閣抄出奉

上諭各省駐防官兵子弟准其於本省就近考試入學因

鄉試必須來京道途遙遠者每以艱於資斧裹足不前  
現在駐防旗人並議准就近應武童試嗣後各省駐防  
子弟入學者卽令於該省一體應文武鄉試於造就人  
材之道較爲有益其如何編號定額取中之處著禮兵  
二部妥議具奏欽此抄出到部臣等查嘉慶四年議准  
各省駐防令其就近考試入學現又奉

諭旨令其於該省一體應文武鄉試另行編號定額取中  
仰見我

皇上於作育之中仍寓體恤之意臣等伏查順天鄉試八  
旗滿洲蒙古額中二十七名每科錄取冊送之生  
員並貢監筆帖式小京官約有四百名上下臨期

再除去不能入場之人通統覈算約計十餘名取  
中一名各省駐防於嘉慶四年始應試入學與在  
京八旗之素習詩書久經應試者不同自應寬爲  
定額以示鼓勵查各直省學冊內駐防生員除直  
隸各駐防仍歸順天鄉試毋庸覈計外現在陝甘  
駐防生員共有八十九名福建廣東山東河南江  
南浙江湖北四川八省自十餘名至四十餘名不  
等惟山西一省查十六年學冊只有九名現在十  
七年科考冊尙未到部再厯下屆歲科兩考約計  
亦可有十餘名且各省駐防內有願報捐貢監應  
試者亦應准其就近一體鄉試如此統行覈計其

最少者亦在十名以外臣等公同酌議應請自二十一年丙子科爲始各省駐防生員於本省鄉試編立旗字號另額取中學政錄送十名准取中一名其零數過半者亦准其照官卷例再取中一名將來人數增多總不得過三名以示限制並於入場時照依順天鄉試之例另編坐號毋令與民籍士子互相攙混再查定例八旗應順天鄉試者各旗先送兵部考試騎射合式者方准入場所有各駐防生員應試時仍由各該將軍副都統等考試馬步箭合式者再行咨送學政錄科以符定制

武生

謹按嘉慶十八年五月奉

上諭向來滿洲蒙古旗人俱應武鄉會試後經停止國家甄拔人材文武並進現在文場鄉會試滿洲蒙古與漢人一體應考按額取中旗人尤應習武武場亦當一律辦理著軍機大臣會同兵部詳查舊例妥議章程具奏欽此隨經議奏各省駐防俱准應武童試約五人內取進武生一人照文生例歸各該教官管轄此內由官兵取進武生者仍各留原缺歸各該衙門該營管轄等因

武鄉會試

謹按嘉慶十八年八月內准兵部咨開禮部會同本部議奏各省駐防生員就近應文武鄉試等因一摺嘉慶十八年六月二十九日奉

旨各省駐防武童令其於該省一體應武鄉試自必倍加踴躍查在京八旗滿洲蒙古添設武科本年六月間經軍機大臣會同兵部議奏鄉試約十人內取中武舉一人數科後再行定額奉

旨依議欽此欽遵在案各省駐防武鄉試亦請暫行照此取中除直隸各駐防仍歸順天鄉試毋庸另行定額外其餘各駐防省分應查照前奏內應行鄉試

之人令其就近在各省應武鄉試編立旗字號另額取中約十人內取中武舉一人武生由學政錄送前鋒等項由各該駐防將軍副都統等造送至內場另編坐號之處俱照文場之例辦理再查各省駐防與在京八旗人數多寡懸殊應令各該省之監射主考臨時酌量情形如人雖多其中騎射生疎技勇平常者亦不得以十人內取中一人濫行取中俟三科之後各督撫將歷科應試人數多寡技藝優劣咨明兵部再行比較請

旨定額現屆武鄉試之期尙遠所有各省駐防武鄉試卽照原奏自本年癸酉科爲始惟現在尙未有武生

請將前鋒等項內願應武鄉試者先行造送應試  
其文生就近應試之處自丙子科爲始臣等會議  
緣由是否有當伏候

皇上睿鑒

訓示遵行謹

奏奉

旨依議欽此嘉慶二十四年兵部奏請定額五名滿漢未  
經分晰道光二年兵部奏准廣州駐防武鄉試滿  
洲額中二名漢軍額中三名同治十一年將軍長  
善等奏請加增武鄉試中額經兵部議奏滿洲准  
加二名並前定額共取中四名漢軍准加三名並



前定額共取中六名設將來應試人少由主試巡撫酌覈奏明請減等因具

奏奉

旨依議欽此

謹按同治十一年六月十八日將軍長善等

奏據滿洲漢軍八旗協領等稟稱近年旗營武鄉試應考人數衆多其中弓馬刀石精能出衆者頗不乏人因限於五名舊額不能於額外取中轉使有用之材抑鬱莫伸未免向隅公懇據情奏請加增中額等因前來奴才等詳查廣州駐防自嘉慶十八年起准其就近本省應考武鄉試以十人內取中武舉一人均照應試人數多寡覈定中額隨於嘉慶二十四年經兵部奏請定額五名其滿洲漢軍未經分晰議定復於道光二年經兵部奏准於定額五名內滿洲額定二名漢軍額定三名各等因奉准部行歷經主試巡撫遵照定額考取在案伏思開科之始應考者不過數十餘人額中五名尙虞遷就近年以來滿洲漢軍入學武生現有三百餘名兼之領催前鋒馬甲等勤加練習一切弓

皇

天

皇

馬刀石精能者甚多每遇鄉闈無不踴躍觀光思逞其技卽上居庚午科滿洲應考之領催前鋒馬甲五十二名漢軍應考之武生一百八名馬甲三十三名除武生係由學院錄送外其餘領催前鋒馬甲皆由奴才等錄送閱其人材騎射以及挽弓舞刀掇石不但合式且能出色每於鄉試完竣歷經主試巡撫將因額見遺之武生領催前鋒馬甲等咨會旗營量爲鼓勵而奴才等復詳加考覈頗有馬步箭全中技藝超羣被棄之人是近年限於定額不能取中者甚多委屬實在情形竊維朝廷深仁厚澤准其就近應考武鄉試原爲體恤駐防八旗培植多士方今人材蔚起技藝精強若不量爲變通請加中額則苦練兵丁雖有出衆人材不能遂其觀光之志殊不足以廣昭鼓勵奴才等曾與大學士督臣兼署撫臣瑞麟悉心商酌意見相同合無仰懇天恩俯念廣州駐防八旗應考武閣鄉試人材溢額難以取中請自明年癸酉科起滿洲加額二名漢軍加額四名則八旗兵丁當必更加感戴習練愈力既於防務有裨並得真材備用實覺兩有所益理合附片陳明伏乞

皇上聖鑒勅部覈議施行謹

奏

同治十一年十月二十八日准兵部咨為咨行事  
武庫司案呈所有前事抄單一案相應咨行廣州  
將軍可也內開兵部謹

奏為遵

議奏事內閣抄出廣州將軍長善等奏廣州駐防八旗  
應考人材蔚起請加增武鄉試中額一摺於同治

旨該部

議奏欽此欽遵抄出到部查原奏內稱廣州駐防  
自嘉慶十八年准就本省應試以十人內取中武

舉一人嘉慶二十四年經兵部奏請定額五名滿  
洲漢軍未經分晰道光二年奏准滿洲額定二名

漢軍額定三名開科之始應考者不過數十人額  
中五名尙虞遷就近來滿洲漢軍武生現有三百

餘名兼之領催馬甲等一切弓馬刀石精能者多  
上屆庚午科應考滿洲領催前鋒馬甲五十二名

漢軍武生一百八名馬甲三十三名人材騎射以  
及弓馬刀石不但合式且能出色每於鄉試完竣

因額見遺之武生領催前鋒馬甲等輒咨會旗營  
量為鼓勵頗有馬步箭技全中技勇超羣被棄之

人若不量為變通則苦練兵丁雖有出衆人材不

能遂其觀光之志請自明年癸酉科起滿洲加額  
 二名漢軍加額四名等語臣查例定武舉中額奏  
 請加廣之條近年惟捐助軍餉奏有定章別無請  
 加成案惟咸豐五年臣部議覆管理鑲黃旗滿洲  
 都統和碩惠親王等奏漢軍武舉一項向定額多  
 近來應試人少請部酌量覈減經臣部議覆人數  
 增減難以懸擬毋庸拘舊額請十人取中一名零  
 數五人以上亦取中一名於咸豐五年十一月二  
 十日具奏奉

欽此伏思設立武舉科目原為儲備干城之選額  
 寬人少既可請減才廣途隘亦應議增且廣州駐  
 防嘉慶十八年始准本省就近應試彼時原無定  
 額係按十人取中一名至二十四年始定中額五  
 名道光二年又分別定為滿洲取中二名漢軍取  
 中三名茲據該將軍奏稱近年人材蔚起弓馬刀  
 石精能者多每遇闈竣主試輒以額滿見遺之人  
 咨由該營量為獎勵自屬實在情形該將軍請加  
 武舉中額係為激勵人材起見臣等未敢拘泥成例  
 擬請滿洲准其加增二名並前定額共取中四名  
 至漢軍原額向僅三名今請再加四名未免浮於  
 原額擬請改加三名並前定額共取中六名均自  
 同治十二年癸酉科為始分別取中以廣登進至

人數增減本難預定原奏內稱上科庚午應試近  
二百人之多是以量加中額設將來人數減少不  
敷錄取仍應由主試之巡撫酌覈奏明請減所有  
臣等遵

旨議奏緣由是否有當理合恭摺具奏伏乞  
聖鑒謹

奏同治十一年八月十四日奉

旨依議欽此

改試繙譯

謹按道光二十三年八月二十三日准禮部咨儀制司案呈本部會同軍機處議奏各省駐防改試繙譯章程一摺奉

旨依議欽此欽遵到部除將原奏咨送吏部查照覈辦外相應刊刻原奏知照各將軍一體遵照

禮部等衙門謹

奏爲遵

旨議奏事道光二十三年閏七月十五日內閣抄出十四日奉

上諭國家分設八旗兵丁駐防各省立意至爲深遠嗣因

生齒日繁披甲名糧例有定額勢不能概令食糧當差而各弁兵丁子弟亦有讀書向上通曉文義者聽其應試以廣進取之階所以造就人材體恤旗僕者無微不至但思八旗根本騎射爲先清語尤其本業至兼習漢文亦取其文義清通便於繙譯乃近年以來各駐防弁兵子弟往往鶩於虛名浮華相尙遂至輕視弓馬怠荒武備其於應習之清語視爲無足重輕甚至不能曉解朕恭閱嘉慶五年

皇考諭旨各省駐防人等准於該省考試文生原係於伊等格外恩施若專務此而廢棄清語騎射卽停止此例不准考試亦屬應該俟清語騎射演習熟練方准考試

等因欽此仰見我

皇考聖慮周詳

訓誨諄諄之至意因思清語騎射全在該管大臣官員等  
平日盡心訓飭操演而弁兵子弟亦必令藉此進身方  
能益加勸勉現在武闈鄉試各省駐防一體與考應試  
之人弓馬如果熟嫻不患無登進之路其應文試者必  
應試以繙譯庶不至專習漢文轉荒本業除本科各省  
文鄉試仍照例准其應考外嗣後各處駐防俱著改應  
繙譯考試俾有志上進者咸知非熟習清語不能倖邀  
拔擢自必爭相磨礪日進精通其各該將軍副都統等  
尤宜隨時訓練董勸兼施毋得視爲具文因循積習以



副朕崇實黜浮之意其考試一切章程及繙譯童試進額鄉會試中額應如何酌定之處著軍機大臣會同該部悉心詳議具奏將此通諭知之欽此

臣

等查各省八

旗駐防向係在京考試嘉慶四年始准於該省考試  
文童另立進額嘉慶二十一年始准於本省鄉試另  
立中額原所以示體恤而廣登進乃近年以來各省  
駐防應文試者甚多而每屆繙譯鄉試由禮部照例  
行知各將軍等均以並無繙譯鄉試之人咨覆誠如  
聖訓所云專習漢文轉荒本業

臣

等詳查例案悉心商酌  
除例應順天鄉試各生及駐防現任京官之子弟  
隨任在京者俱照舊辦理外謹將各省駐防考試

繙譯章程逐條開列恭呈

御覽

一各省駐防貢監應一體改應繙譯也查貢監兩項向准在京鄉試今駐防舉人既改爲繙譯會試生員既改爲繙譯鄉試則貢監兩項亦應專試繙譯舉不准應文闈鄉試以昭畫一

一各省駐防繙譯舉人會試宜開明人數奏請

欽定中額也查繙譯會試向係註明應試人數開列比較單進

呈恭請

欽定中額今駐防舉人既經改應繙譯會試亦應仿照京

旗奏請中額之例另開駐防繙譯舉人應試人數  
清單恭請

欽定駐防中額以示鼓勵而昭激勸

一各省駐防繙譯鄉試宜照文鄉試之例仍歸本省以昭體恤也查各省駐防文闈鄉試自嘉慶丙子科准令就本省鄉試至今遵行原所以示體恤而廣

皇仁今各省駐防繙譯士子若概令赴京鄉試則長途跋涉資斧維艱寒畯士子必至憚於進取若僅交該將軍考試取中又恐關防不密易啟弊端擬請照宗室士子入闈考試之例俟該省文闈士子三場

完竣後於十七日點名入場並派佐領二員入場  
彈壓十八日發題考試十九日出場所有試卷無  
論已完未完均照綏遠城考試教習將試卷解部  
奏

派閱卷之例由該省監臨將試卷專差送部俟各省試卷  
到齊由禮部奏

派閱卷大臣在

午門外朝房公同校閱擬定名次粘籤進呈後交禮  
部開拆彌封填榜鈐蓋堂印交兵部飛遞該省旗  
營張掛其中式卷卽交禮部收貯至閱卷及執事  
人等一應供給均仿照

馬耳方  
殿試例劄光祿寺備辦

一各省駐防蒙古繙譯亦應照滿洲繙譯鄉試之例辦理也查向例滿洲蒙古漢軍均准考滿洲繙譯其蒙古繙譯惟蒙古人方准考試向係七八名取中一名今各省蒙古駐防難保無願應蒙古繙譯之人應請於奏請

欽命題目時將蒙古繙譯題目一並發下如該省蒙古無考蒙古繙譯之人或不足取中之額其蒙古繙譯題目毋庸拆封與已經拆封之滿洲繙譯題目一同賁同恭繳

一各省駐防繙譯鄉試題目宜倣照京旗舊例辦

理也查向例繙譯鄉試一場試以四書文清字論  
題一道滿洲蒙古繙譯題各一道滿洲用漢文蒙  
古用清文嗣後駐防繙譯鄉試亦仿照此例由禮  
部於題

派該省文鄉試考官本內夾片聲明恭請

欽命題目封固隨同該省文鄉試題本一並發下由部加  
封粘貼印花發交該省

派出之文闈主考官帶往親交監臨於繙譯士子點名日  
由監臨擇嚴密處所刊刻頒發局門考試其題目  
紙隨同試卷解部以備查覈

一各省駐防繙譯鄉試宜派隨印筆帖式一二員

入場繕寫題目也查繙譯題目必須繕寫刊刻應請由該將軍等預派隨印筆帖式一二員於十六日文闈士子出場後卽行入場以備繕寫俟繙譯士子出場後方准該筆帖式出場以慎關防

一各省駐防繙譯鄉試宜責成監臨酌量辦理也查士子入場點名散卷收卷彌封等事在在均關緊要惟繙譯鄉試人數較少若概令文闈入場官員留辦繙譯未免人浮於事應由該監臨酌留數員接辦繙譯其吏役人等及一切巡察事宜亦由該監臨酌量辦理以專責成

一各省駐防繙譯鄉試宜派旗員識認也查京旗

鄉試例由該旗出派叅領等官識認今各省駐防亦應由該將軍副都統城守尉等出派數員臨場識認以杜頂替之弊

一各省駐防繙譯鄉試宜酌定中額也查駐防文闈鄉試向係十名取中一名過半者增中一名今各省駐防繙譯鄉試亦應仿照此例每十名取中一名過半者增中一名至多不得過三名以示限制俟數年後人數衆多再行奏請加添中額

一各省駐防繙譯中式舉人宜嚴密覆試也查京旗中式繙譯舉人向在

殿廷覆試今駐防中式繙譯舉人亦應仿照此例於



會試前一月令其來京由禮部奏請

欽定日期在

殿廷覆試其中式原卷卽由

派出之閱卷大臣一同覈對文理筆蹟覆試後再由禮部咨送兵部騎射合式者方准會試如實在患病等項事故不能覆試者照順天文鄉試之例以下三科爲限補行覆試倘有託故不到三科內並未覆試者顯係規避永遠不准會試亦不准赴吏部銓選庶倖中者不至濫廁仕途矣

一各省駐防繙譯試卷宜明定期限解部也查各省駐防距京遠近不同而鄉試距會試之期又僅

止數月若任意耽延則新中式者勢必有誤會試之期應請嗣後駐防繙譯鄉試完竣後限次日卽由監臨派員起解限五十日內通行解部如逾限不到者由部指名叅處

一各省駐防繙譯試卷宜照京旗畫一辦理也查繙譯試卷向例用堅厚細紙長一尺寬四寸爲準卷前空白九幅以八幅印草稿起止餘一幅以便彌封連謄真十六幅共二十五幅每頁用紅色分爲五行清文書於直行上共四行毋庸橫格今駐防繙譯試卷亦應仿照此例鄉試由該省布政使司造辦錄科及童試均由該將軍副都統城守尉

等造辦務令該士子前期十日投卷親身書寫卷面填明年歲及滿洲蒙古漢軍佐領並註明應滿洲繙譯試或應蒙古繙譯試字樣鈐用印信關防以杜弊混

一各省駐防繙譯錄科宜仿照京旗先看騎射也查向例京旗繙譯錄科馬步箭合式者方准錄送其不能騎射者停其送考今駐防繙譯錄科亦應仿照此例由該將軍副都統城守尉等先看騎射合式者再行錄科以符定例

一各省駐防繙譯錄科宜仍照京旗辦理也查繙譯錄科向例滿洲用漢字繙譯題一道蒙古用清

字繙譯題一道卽於科試之年五月與繙譯童生分場考試今各省駐防亦應令其於鄉試年分五月內先考繙譯錄科後考繙譯童生試黎明入場日入出場不准給燭由該將軍等出題考試錄送後卽將錄送之卷並題目紙解部以備覈對筆蹟其新進各生照例無須錄科卽由該將軍等驗看騎射合式者徑送鄉試

一各省駐防繙譯童試宜照駐防文童之例仍歸本省取進也查向例駐防文童俱由本省學政考試今繙譯童生自應仿照舊例辦理應請嗣後各省駐防弁兵子弟有願應繙譯童試者俱由該將

軍副都統等先看騎射合式者方准與考卽由該將軍副都統等出題局試憑文取進如無將軍副都統處所卽由該城守尉辦理俟閱卷取進後仍將所取之卷送部奏

派大臣在

午門外朝房磨勘以昭慎重

一各省駐防繙譯童試題目亦宜仿照京旗舊例也查向例考試滿洲繙譯童生用漢字繙譯題一道蒙古繙譯童生用清字繙譯題一道今駐防繙譯童試亦應照此例辦理俟考試完竣後將題目隨卷解部以備查覈

一各省駐防繙譯童試宜嚴定時刻也查向例京旗繙譯童生在貢院考試於前一日點名入場次日出題考試日入出場不准給燭今駐防繙譯童試既由該將軍等取進自應各歸該將軍副都統城守尉衙門考試惟該將軍等衙門未便令該生等徹夜住宿應酌改爲黎明點名入場發題考試日入出場不准給燭以肅場規

一各省駐防繙譯童試宜照京旗三年兩考也查向例京旗繙譯童生歲試於八月內考試其科考之年於五月內考試今駐防繙譯童試亦應比例歲試年八月內考試如遇有

恩科酌改於五月間考試其科試之年卽於五月間舉行以昭畫一俟各省取進之卷到齊後再由禮部奏請磨勘

一各省駐防繙譯童試宜照駐防文童之例酌定進額也查駐防文童考試向例於五六名取進一名今駐防滿洲蒙古繙譯童生亦應仿照此例於五六名取進一名至多不得過五名以示限制俟人數衆多再行奏請加額

一各省駐防原設廩增各額應以次裁撤也查各省駐防文生向設有廩增額缺今旣令其改應繙譯廩增額缺自應悉行裁撤應請將各省駐防弁

兵子弟已經補廩補增者仍作爲廩增俟出缺後  
以次裁撤不必頂補庶不致辦理兩岐矣所有臣  
等遵

旨謹議緣由是否有當伏候

命下由部行知該將軍副都統等遵奉施行如有未盡事  
宜由禮部隨時覈議辦理再文舉人向准大挑截  
取貢生向准銓選今駐防既經改應繙譯則已中  
之文舉人是否仍准大挑截取其貢生是否仍准  
銓選並嗣後在京及駐防繙譯舉人可否亦照文  
舉人大挑截取之處伏候

命下由禮部移咨吏部詳覈辦理爲此謹



奏

道光二十四年二月十八日准禮部咨儀制司案  
呈准廣州將軍奕湘咨稱駐防改試繙譯倣照京  
旗考試繙譯之例所有前鋒領催馬甲以及隨印  
外郎官學生有願應繙譯童試者均應仿照京旗  
一體考試再查廣州將軍衙門筆帖式係屬食俸  
人員毋庸應考外所有候補筆帖式仍係食錢糧  
之人可否隨同繙譯生員及文生員貢監生等一  
體准應繙譯鄉試之處本營初次考試繙譯礙難  
遽定呈請指示等因咨部查照前來查候補筆帖  
式不由貢監生員出身者本部例內並無准應繙

譯鄉試明文該將軍所咨可否准其應繙譯鄉試之處應毋庸議相應咨覆廣州將軍遵奉施行  
道光二十四年四月初五日經將軍奕湘因繙譯體制未能合式恭摺具

奏請展限廣州駐防改試繙譯將童試暫行展限二次鄉試展限兩科於道光二十四年六月十七日奉到

硃批依議該部知道欽此嗣於道光二十七年開考童試二十九年開考鄉試

咸豐七年總督葉名琛以廣州駐防滿漢八旗官兵先後共捐銀一萬七千八百九十九兩請加永

遠繙譯武學定額各一名分次遞加繙譯武學廣  
額各三名均自下屆舉行尙餘銀一千八百九十  
九兩歸並續捐案內覈辦等因經戶禮兵三部會  
議於咸豐七年十一月初二日覆奏奉

旨依議欽此

舉人大挑

謹按道光五年九月二十四日准

吏部咨文選司案呈所有議覆山東道御史佛恩  
多條奏滿洲蒙古漢軍舉人准其大挑一摺相應  
抄錄原奏知照可也計連單一紙內開吏部謹

奏爲遵

旨議奏事道光五年六月十五日內閣抄出山東道監察  
御史覺羅佛恩多奏稱本年四月二十六日鑲黃  
旗滿洲都統英和等奏籌計旗人疏通懲勸一摺  
內開滿洲蒙古舉貢生監照漢軍考職一律辦理  
經吏部議覆州同州判縣丞由恩拔副榜考授主

簿吏目由監生考授惟舉人向無考職之例應毋

庸議奏明在案

奴才

伏思舉貢生監均係

國家作養之士子且舉人係科目人員較貢監爲優  
今貢監既予以調劑舉人班次若不設法疏通似  
覺偏枯查吏部例載漢舉人每居三科大挑一次  
一等者以知縣用分發各省二等者以教職用歸  
部銓選是以予以大挑入挑者既可以卽時登進  
循序者亦因之漸次疏通惟滿洲蒙古漢軍舉人  
向未大挑溯查滿洲蒙古漢軍舉人舊有截取之  
例彼時班次甚速是以毋庸大挑自嘉慶五年停  
止截取滿洲蒙古舉人僅于雙月二班後選用一

人漢軍舉人僅于雙月三班後選用一人大約非  
二十五年不能銓選班次實形壅滯可否照漢  
舉人之例一體予以大挑其挑取一等者以知縣  
用分發各省其挑取二等者例用教職除漢軍舉  
人向准銓選直隸教職應歸漢舉人班內按科分  
名次銓選外滿洲教職僅止二缺爲數較少應兼  
選科甲小京官及由科甲考取之助教照二等漢  
舉人銓選教職之例先用大挑一人次用正班一  
人輪流閒用如此則滿洲蒙古漢軍舉人既可一  
律疏通於銓法亦無窒礙等因六月十四日奉

硃批吏部議奏欽此欽遵抄出到部臣等查滿洲蒙古漢

軍文舉人定例於會試三科後准其赴部投供以知縣候選雙月五甲五舉四捐三陞兩班之後選用滿洲蒙古舉人一人三班之後選用漢軍舉人一人遇各省請揀知縣時均准一體入挑等語又本年四月鑲黃旗滿洲都統英和等奏籌計旗人疏通懲勸摺內請將滿洲蒙古舉貢生監一律考職經臣部議覆恩拔副榜准其考授州同州判縣丞監生准其考授主簿吏目惟舉人向無考職之例應毋庸議等因奏准在案今據該御史奏稱滿洲蒙古貢監既予以調劑而舉人班次若不設法疏通似覺偏枯請將滿洲蒙古漢軍舉人照漢舉

人之例一體予以大挑其挑取一等者以知縣用  
分發各省其挑取二等者例用教職除漢軍舉人  
向准銓選直隸教職應歸漢舉人班內按科分名  
次銓選外滿洲教職僅止二缺爲數較少應兼選  
科甲小京官及由科甲考取之助教照二等漢舉  
人銓選教職之例先用大挑一人次用正班一人  
輪流間用等語臣等伏查該御史所奏爲疏通正  
途起見於臣部銓法亦無窒礙應如所奏滿洲蒙  
古漢軍閑散文舉人准照漢舉人大挑之例會試  
四科後一體大挑挑取一等者以知縣分發各省  
試用一切補缺名次與一等漢舉人合爲一班一



體辦理其一年期滿甄別以佐貳用者卽照議定  
滿洲蒙古人員准用佐雜之例以佐貳改補如以  
教職用者仍歸二等舉人班內按科分名次以科  
甲小京官助教教授訓導一體銓選挑取二等者  
除漢軍舉人准歸於直隸二等舉人班內統較科  
分名次先後以教職銓選外滿洲蒙古舉人應照  
二等漢舉人銓選教職之例遇有科甲小京官及  
順天府滿洲教授訓導並國子監滿洲蒙古助教  
缺出先用二等舉人一人次用正班一人惟查助  
教額缺有滿洲蒙古之分陞途亦復各異今二等  
舉人應各按滿洲蒙古之缺相間補用俟陞轉時

滿洲舉人仍照滿洲助教陞轉蒙古舉人仍照蒙古助教陞轉再順天府教授訓導向無蒙古人員考試今二等蒙古舉人應仍不准其補用又查理藩院衙門例不用科甲人員其蒙古舉人補授助教應仍不准其陞用理藩院蒙古主事以六部太僕寺主事陞用至內務府滿洲蒙古文舉人向例只准銓補外旗科甲小京官其順天府教授訓導國子監助教均例不准補茲大挑二等之內務府文舉人仍專以科甲小京官與正班分缺閒用以上大挑二等人員遇有應得各缺均按科分名次指擬一人帶領引

見請

旨補授毋庸再擬正陪至已挑二等人員卽停其揀發如遇本科銓選到班該員尙未陞轉仍准銓選知縣以示限制而昭平允抑臣等更有請者查滿洲蒙古漢軍舉人定例會試三科後卽准其投供候選遇有各省請揀知縣一體入挑而各省漢舉人必按科分截取後方准赴部投供查漢舉人現在遠省選用已酉科近省選用癸卯科均在三四十年以外較之滿洲蒙古漢軍舉人得缺更難臣等公同酌議應請嗣後漢舉人亦照滿洲蒙古漢軍舉人投供候挑之例會試三科後業經揀選以知縣

註冊者准其呈明原籍地方官由該督撫專咨報部投供候挑遇各省請揀知縣一體入挑如已大挑二等及業經就教人員仍不准其赴部投供候挑其銓選班次仍照截取舊例辦理至候挑人員適屆本科截取免其再行同籍請咨准取同鄉京官印結聲明註冊投供卽准銓選如此量爲調劑庶滿洲蒙古漢軍舉人及漢舉人一律疏通而於銓法亦無窒礙所有臣等遵

旨覈議緣由恭摺具

奏是否有當伏乞

皇上訓示遵行謹

奏道光五年七月初二日具

奏奉

旨依議欽此

改試繙譯舉人不准大挑

謹按道光二十三年十月初三日准吏部咨開本部議奏各省駐防文舉人改試繙譯應不准其大挑請

旨等因一摺於道光二十三年九月二十九日具

奏奉

旨依議欽此相應刊刻原奏知照將軍一體遵照

吏部謹

奏爲覆議具奏事准禮部咨議奏各省駐防改試繙譯章程一摺於本年八月二十日奉

旨依議欽此欽遵知照到部臣等查原奏內稱文舉人向

例准其大挑截取貢生向例准其銓選今駐防既經改應繙譯則已中之文舉人是否仍准大挑截取其貢生是否仍准銓選並嗣後在京及駐防繙譯舉人可否亦照文舉人大挑截取之處由禮部移咨吏部詳覆辦理等因 臣等查例載各省舉人於未挑以前詳細開明履歷赴部投遞吏部咨取貢院點名冊逐一覆對其冊內會試有名者均准挑選等語當經 臣部以從前駐防中式文舉人明歲甲辰科文闈是否仍准應試行查禮部去後嗣據覆稱明歲甲辰科各省駐防從前中式及本科中式之文舉人自應一體改應繙譯會試咨覆前

來是該舉人等既不准其文闈應試則貢院點名冊內未經列名無憑辦理自未便准其大挑至各省駐防文舉人例不截取向准於會試三科後赴吏部揀選以知縣註冊按科分名次投供候選恩拔副貢生准其就職直隸州州判並准考職以州同州判縣丞註冊歲優貢生亦准其考職以縣主簿州吏目選用今各省駐防文舉人貢生欽奉

諭旨一體改試繙譯應請嗣後凡駐防文舉人未經揀選者均停其揀選各項貢生未經就職考職者均不准其就職考職至從前業經揀選就職考職註冊人員仍准其按班銓選以昭平允謹將

臣等覆議



緣由是否有當伏候

聖鑒

訓示遵行謹

奏

舉人仍准大挑

謹按道光二十四年四月二十八日准吏部咨開  
道光二十四年四月十七日內閣抄出十六日奉  
上諭現在各省駐防旗人一體改試繙譯其已中式之文  
舉人因未與文闈會試遂議定不准大挑惟念該舉人  
別無進身之階未免向隅著該將軍副都統城守尉等  
於各該駐防前經中式之文舉人科分在近三科以前  
例准大挑者詢明情願赴挑卽由該將軍等給咨送部  
均令於本年九月內到京聽候欽派王大臣照例大挑  
如有不願赴挑者仍聽其便該部知道欽此

文生准應武試

謹按道光二十四年五月初十日准兵部咨開本部議奏各省駐防舊進文生員舉人並繙譯生員舉人如有弓馬可觀願應武鄉會試者准其改應武鄉會試一摺道光二十四年四月二十六日具奏二十七日奉

旨依議欽此相應刊刻原奏轉飭各將軍一體遵照  
兵部謹

奏爲請

旨事道光二十四年三月初二日准涼州副都統文祥咨稱道光二十三年九月三十日接准禮部會同軍

機議奏各省駐防改應繙譯章程一摺於道光二十三年八月二十日具奏本日奉

旨依議欽此欽遵刊刻原奏知照各省副都統一體遵照在案查涼州莊浪二滿營舊有額進文生員一項今既遵照新章改試繙譯鄉試但該生等進學日久年歲已大若再令學習繙譯未免顧此失彼轉荒武備惟該舊文生員內多有弓馬可觀騎射合式者且有披甲食錢糧者應請仿照武生無論有無錢糧應武鄉試之例抑或仿照領催前鋒馬甲應武鄉試之例一律應本省武闈鄉試似屬兩有神益等情咨呈

臣部查覈示覆以便遵辦等語

臣

等查駐防文生員例無應武鄉試明文茲據該副都統咨稱涼州莊浪二滿營舊有文生員一項今既遵照新章改應繙譯鄉試惟舊文生員內多有弓馬可觀騎射合式情願改應武鄉試者請援照武生無論有無錢糧應武鄉試之例或仿照領催前鋒馬甲應武鄉試之例一律應本省武闈鄉試臣部既無定例可否准其改應武鄉試之處恭請欽定如蒙

俞允所有各省駐防文舉人有願應武會試者亦一律准其改應武會試嗣後各省駐防繙譯生員舉人如有弓馬可觀願應武鄉會試者可否一律准其改

應武鄉會試之處恭候

命下

臣

部纂入則例行文各直省督撫將軍副都統城守尉遵奉施行謹

奏

復開文闈

謹按咸豐十一年十二月內准禮部咨開咸豐十一年十一月二十九日內閣抄出奉

上諭致仕大學士祁寯藻奏請復各省駐防考取文舉人生員舊例一摺奉

旨依議欽此相應刊刻原奏知照各將軍一體遵照

禮部謹

奏爲請

旨事據福建巡撫徐宗幹咨稱據布政使丁曰健詳准禮部咨咸豐十一年十一月二十九日奉

上諭致仕大學士祁寯藻奏請復駐防考取文舉人生員

舊例等語各省駐防八旗向來本有考取文舉人生員之例自道光年間改爲繙譯將舊例停止原爲八旗人員均應諳習國語清文以爲本務恐其因考試漢文致有荒廢現在繙譯考試各省遵行已歷有年其駐防八旗中通達漢文積學之士不克觀光誠爲可惜嗣後著於駐防繙譯科甲外仍復駐防考取文舉人生員之例俱准其鄉會試與繙譯一體錄用以廣登進該駐防八旗人等仍不得以專騫漢文致將繙譯國語稍涉荒廢用副朕敦本育才至意該部知道欽此欽遵知照該撫查明道光二十三年以前一切舊章辦理等因到司查各省駐防士子本已改試繙譯現復考取文



舉人生員之例是文試繙譯彼此兼行所有舊例  
取進之文生員貢監生業經改應繙譯鄉試者應  
否准其再應文闈鄉試並現在新進之文生員如  
有情願應繙譯及繙譯生員願應文闈鄉試者應  
否悉准與考且如本科願應文闈鄉試下屆復請  
就試繙譯本科願應繙譯下屆復請就試文闈應  
否准行有無示以限制應咨請覈復等因到部臣  
等查各省駐防士子自嘉慶二十一年以後准應  
本省鄉試迨道光二十三年改試繙譯卽將文試  
停止現在欽奉

諭旨准其仍復文舉人生員之例與繙譯一體錄用是特

於繙譯之外爲士子廣登進之途並非一經文試遂輟繙譯惟科舉本可以並行而應試須示以限制查科場條例內開繙譯生員願應文鄉試者該旗自行造冊送學政錄科又繙譯鄉試應考之人不拘清文漢字貢監生員能繙譯者俱照例考試馬步箭咨送入場其現在文舉人能繙譯者亦准與繙譯會試等語此係專指京旗而言至各省駐防不在其列臣等公同酌覈所有各省駐防道光二十三年以前取進之文生員暨道光二十三年以後取進之繙譯生員從前曾經應繙譯鄉試者現在或仍應繙譯或情願改應文闈人數無多均

聽其自便嗣後取進之繙譯生員應令其專應繙  
譯不必兼應文試其新進之文生員令其專應文  
鄉試其中有通曉國語熟悉清文願應繙譯者准  
其自行呈明改應繙譯既改之後不得再應文闈  
如有任意更改者概不准行至中式後係文舉人  
專應文會試係繙譯舉人專應繙譯會試如此分  
別辦理庶文藝既可專精而清語自不致荒廢至  
駐防文鄉試中額與繙譯同每十名取中一名零  
數過半者增中一名至多不得過三名現在文闈  
與繙譯兼行其中額自應均照定例至多各不得  
過三名是否有當伏候

訓示遵行如蒙

俞允除咨覆福建巡撫外並通行各省駐防一體遵奉施行爲此謹

奏

欽賜舉人

謹按同治十年二月初六日准禮部咨儀制司案呈所有續到廣東省年老諸生請

旨恩賞一摺同治九年十二月二十日具奏本日奉旨依議欽此相應抄錄原奏知照廣東巡撫

禮部謹

奏爲奏請

恩賞事查定例各省鄉試年老諸生由該監臨奏交臣部覆覈查定例年歲相符分別奏請

恩賞如有應行查辦者扣除候查覆到日再行具奏又定例各省鄉試有由俊秀報捐貢監之老生查明報

捐在十科以前曾經應試者方准奏請

恩賞歷經辦理在案今同治九年庚午科鄉試除順天等

省年老諸生業經臣部照例分別奏請

恩賞外茲續據廣東省監臨奏到年老諸生一摺奉

旨禮部議奏單併發欽此欽遵到部將軍開老生逐名查

覈各生年歲均符

恩賞之例又廣東旗籍監生樊封一名經該撫聲明報捐

在十科以前曾經應試覈與定例亦屬相符臣等

謹分別開單各註例案於後恭候

欽定爲此謹

奏

謹將九十八十以上合例年老諸生分別開單恭  
呈

御覽樊封廣東旗籍例監生年八十一歲查例開年屆八  
十之廩增附生及例貢監生均請

賞給副榜今樊封一名

臣等謹擬

賞給副榜等因

服滿應試

謹按例載道光十五年據正紅旗滿洲監生文都文璉呈請服滿鄉試查該生等於道光十三年四月三十日丁母憂扣至本年七月三十日服滿係在八月鄉試入場以前與應考之例相符其驗看騎射及錄科之處應由該旗造具滿漢清冊分送兵部國子監辦理

附案查八旗繙譯生監遇鄉試年在八月以前丁憂起復者俱經照例隨時補行錄科送考光緒元年乙亥

恩科有漢軍鑲藍旗繙譯生高慶奉差賁摺進京差旋在八月以前亦經援案補錄一體鄉試



貢生丁憂

謹按光緒七年八月初十日准禮部咨本部具奏  
爲優拔貢考試成案兩歧擬酌歸畫一請

旨遵行事查例開各省拔貢或有事故後期續到者不  
拘人數隨時奏請在部考試等語又道光十八年  
奏准上屆考取選拔生因丁憂未及會考者准於  
下屆選拔年分歸入新科選拔一同恭應

朝考具呈報患病及丁憂在會考後者仍令照例補  
考不得與新科選拔各生一同考試以杜規避取  
巧之弊等因復經載入則例小註在案又同治二  
年會議准嗣後各省優生保題到部照拔貢之例

考試錄用由各該學政考選給咨後飭令各生迅速赴京驗到統於次年五月爲限如有丁憂患病等項事故及到京逾期者均歸入下屆與新舉優生一並考試等因亦在案是選拔生遇有事故後期到部向祇令其隨時在部考試其應否歸入下屆

朝考例無明文自道光十八年始定有選拔生丁憂未及會考准其歸入下屆

朝考專條其在會考後丁憂及呈報患病等項事故者仍照例在部補考而同治二年會議優生錄用章程比照拔貢之例辦理其丁憂患病等項事故

及到京逾期者則又均歸入下屆與新舉優生一併

朝考是同一遇有事故而辦理懸殊既不足以昭平允且

朝考定例文理荒謬者原有礮革之條其呈報患病事故各生難保非學業未充濫竽充數姑藉此宕延時日冀僥倖於將來不得不嚴定期限以杜取巧至丁憂非患病可比其在會考之後與在會考之先均非該生意料所及既無所用其規避自不必強爲區分乃選拔生於會考後丁憂仍不得與新科各生一同考試覈其情節更覺向隅查選拔

舉優事同一例其應行在部補考與歸入下屆

朝考之處自應酌定畫一章程俾資遵守

臣等公同

商酌除未經

朝考之上屆已卯科優生仍照舊章准其於下屆癸未年與新科優生一體考試並上屆癸酉科選拔生亦仍照舊章分別辦理外擬請嗣後優拔各生朝考統限於會考次年五月內赴京驗到其有呈報患病等項事故及後期續到各生均應查照定例隨時由臣部會同國子監堂官奏請在部補行考試如實因丁憂未能投到者方准其與下屆新生一同恭應

朝考其選拔生丁憂並不以曾否會考故爲區別  
以示體恤如有不能久候情願在部補考者仍聽  
其便如蒙

俞允所有道光十八年奏准之案並近年以來援引道  
光十八年之案辦理者均由臣部查銷其同治二  
年會議優生錄用摺內所稱患病等項及到京逾  
期者均歸入下屆一並考試等語亦應一律查銷  
臣部正在續修學政全書擬卽將此次奏准新章  
纂入現行事例並通行各督撫學政一體遵照爲  
此謹

奏請

旨光緒七年七月初九日具

奏奉

旨依議欽此

旗員守制

謹按光緒七年十月二十六日准吏部咨文選司  
案呈本部具奏據正藍旗滿洲都統咨稱候選知  
縣寶善係荊州駐防前由荊州將軍衙門筆帖式  
選授山西長子縣知縣因丁母憂回荊州原旗守  
制服闋後請咨赴部投供候選該員並非由京員  
陞授外任惟查外省駐防人員由該處筆帖式陞  
任外官者丁憂服滿此項人員應否查辦引

見本旗向無辦過似此成案今寶善應否查辦無從遵  
循相應詳請部示轉飭該員遵照辦理等因到部  
查定例滿洲蒙古現任運使道府丞倅州縣等官

並由京得缺尙未到任人員丁憂回旗俟該員百日孝滿由該旗帶領引

見奉

旨在武職上行走者應由兵部該旗遵照辦理毋庸歸於十月查辦其奉

旨著在原衙門行走除本有原衙門者卽令其行走外其有科道陞補之道府並科甲出身捐納卽用之道府以下等官並無原衙門可以行走及原衙門無相當之缺者令其掣簽分派各部院衙門行走其奉

旨著以司員筆帖式用者亦令其先在原衙門行走如



無原衙門及原衙門無相當之缺者卽簽掣部院行走俱於每年十月查辦引

見除奉

旨記名外用者但令其行走當差服滿後專予外用不必再佔京缺若奉

旨內用者其未經服滿之前遇有相當缺出聽該堂官隨時奏署無庸定以班次服闋之日移咨吏部實授又八旗駐防旗員在京供職有因親老呈請回駐防養親者由該堂官奏明照例開缺俟養親事畢百日孝滿後由該管官給咨赴部仍回原衙門行走俟服滿後遇有選缺准其扣留補用如該衙

門應歸部選之缺亦准其歸於不論雙單月先儘補用又

盛京

陵寢等處及駐防所屬文職旗員呈報丁憂及服滿者照在京旗員例辦理各等語惟各省駐防旗員如有外任官員丁憂回駐防本旗應否於百日孝滿後卽行來京由京旗帶領引

見分別行走歸於十月查辦之處定例未經叙明是以此項旗員未經帶領引

見歸於十月查辦自應比照各省駐防旗員在京供職呈請養親事畢百日後卽行來京當差之例所有

各省駐防旗員無論曾任京職或由駐防陞選陞補外任官員丁憂各回駐防本旗者亦應於百日孝滿後卽行來京由京旗帶領引

見分別行走歸於十月查辦以歸畫一而免歧異相應奏明請

旨通行在京各旗及各省駐防將軍都統查照辦理所有寶善一員亦係駐防旗員由駐防筆帖式選授山西長子縣知縣丁憂開缺現已服滿惟未經京旗於百日孝滿後帶領引

見是以未歸十月查辦應由該員京旗查照定例補行帶領引

見後知照臣部照例辦理等因光緒七年九月二十九

日具

奏奉

旨依議欽此

駐粵八旗志卷七終